

橫山縣志一

横

山

縣

志

第一册



563 728.7
12787
00799



敘

懷遠之有志也自蘇君

燮堂始山川風土規模

猶具然事屬艸創率多



簡略且自蘇君至今將
屆百年其中所當增益
者正復不少此創之者
所貴乎因之者之繼其

後也何保如明府以名
進士作宰斯邑有心於
續增斯志也久之乃公
餘之暇悉心纂輯補其

缺略益其遺漏或附考
於後或新增於中燦然
具備較之舊志炳蔚可
觀豈非善於因者歟予

因是有感矣懷遠僻處
邊隅於明為堡屬榆林
衛中路屢遭兵燹居民
不靖至我

朝承平日久中外一家自
雍正九年始改為縣迄
今居士著者計七百九
十六村居伙盤地者計
四百七十九村戶口頗
庶而民風醇朴於五屬
為最厚非

聖天子德化之盛何以致此

惜乎僻陋之壤其民貧
而少文也是又在司牧
者優游涵濡俾耕作之
戶知所蓋藏佔畢之儒
勤於講貫庶幾富教之
隆於斯邑見焉是則予
之所厚望也夫道光二
十二年壬寅歲孟春月

賜進士出身

誥授朝議大夫知榆林府事

前翰林院編修吏科給

事中隨帶加二級愚弟

李熙齡頓首拜謨

增修懷遠縣志序

懷遠素無志有之自邑宰蘇公始公莅任在乾隆之三年維時設縣未久一切規為諸多未備公精意勤求凡諸政治之有益於國計民生者次第畢舉越十年而政成而邑之志亦成夫志者所以志地志人志事志言而昭示來茲者也使有邑而無志則凡邑中之宜志者久且湮沒而不傳懷邑受撥鄰封則志地難居民鮮少則志人難文獻無徵則志事志言尤難而蘇公則

一一志之卷帙不繁瞭如指掌其間或敘或斷
非才大心細不及此此可以徵其經濟即可以
覘其學術矣道光戊戌勳承乏來斯取是編而
閱之字跡漶漫因議重刊復就見聞所及與夫
案牘之可稽者考核增入或參載於本門之中
或附按於諸條之後非敢謂補其缺拾其遺也
特以蘇公創為是書當時慘淡經營神思殆勞
且瘁矣若任其漫滅而不加修纂則作與不作
等不且有負蘇公創始之美意乎勳才識不
逮蘇公遠甚而忝居後任竊比之願固不能自
已也爰不揣鄙陋續纂成編後之同志者更能
遍加訪采續記而增修之斯微特蘇公之幸抑
亦懷邑之幸也夫

省

道光二十二年歲次壬寅仲春知縣何丙勳書
於懷陽官署之舞鴻堂

原敘

懷遠昔之屯衛雍正九年改縣屬榆林窮陬沙漠地瘠民貧蒞茲土者非徒因陋就簡以奉行故事已也凡開闢草萊之始必有時日俱新之事城郭宮室衣冠文物人情心術所闕勵翼振奮歲月經營熙熙蒸蒸夫豈俗吏粉飾太平可助長而呈效於旦夕哉今蘇君宰是邑有年矣宜其蒞任久而政有成也余奉

命來榆林屬吏進見採訪風俗地方民事殷殷致詢

深欲得切心愛民始終不倦者庶幾無忝厥職
適蘇君列所行之事輯之為誌以眎余余留玩
三四綜其要詳其目以為一人之志千萬人之
志也一日之志後人誦而懷懷而遠為傳之志
也蘇君其真留心民瘼者歟懷遠之名其殆顧
名而思義歟斯誌也政治之資亦國史之徵謂
作吏之才卽作史之才其亦可也况苟能靖共
盡瘁大展所長以不負所學其與昔之循良卓
然可紀者何多讓焉文詞之藻繪抑未馬已爾

余於蘇君有厚望焉乾隆丁卯年穀旦

整飭陝西榆葭等處分巡道布政使司參議加
二級錄八次禮山五峯氏撰

原敘

邑宰荷養教之任值貧且陋之地為難貧陋而
值荒徼險僻華彝襟襟者為尤難蓋磽确則墾
闢無可施鄙僿則絃誦無由導况又有昔交馳
侵突紛爭殘毀之餘思欲悅安強教之可易能
乎懷遠係北地邊塞即漢代固陰白土之區自
唐築三受降城拓土且極套外則茲固中夏寧
寓泊宋初為西夏攘據蹂躪殆無虛日至明代
宣德以後套寇屢恣剽掠由是撫臣余子俊起

東勝興築邊牆迤西南縣亘三千里攔截中外
此懷之五堡所由立也今我

朝混一寰海異域靡不祇屬邊外四十九部皆雨
滋而雲覆之塞垣雖設明日嬉娛恬適噓濡浸
潤於海涵地負之中卽荒遠固將為樂土矣邑
自雍正九年因衛改設而蘇君莅任蕪字獨十
年於茲民之瘠者哺之情者策之其椎魯眇識
者牖迪獎勸之民既蔚然改觀凡當創肇修復
日次第具舉而遂以其暇攷遺蹟閱山川詳土

物表其孝秀貞懿之實俾人人知所慕向繼乃
編而輯之則懷之新志粲乎文采可觀蘇君用
心茲邑其勤且摯乎哉乾隆十年余長子治運
簡畀榆郡懷為榆屬數接蘇君為余言懷之政理聿
為特望因得具悉嘉績余思因地制宜則懷之
養教尤難以尤難者而果竭力盡誠其仰副

聖天子仁覆之化舉在是已蘇君為今時循吏無疑
也爰盡其略弁諸簡端乾隆丁卯重九舊史氏

原敘

志者史之所從出也昔漢當焚棄之餘高帝入
關鄴侯收秦府圖籍得知天下戶口扼塞然後
叔孫董賈諸人從而斧藻之漢代文治聿追成
周豈非文獻之可徵乎余丁亥奉

命協鎮中路撫茲沙漠極目荒涼兼之民貧兵困饑
饉洊臻私心惻念日邊地之苦一至於此哉閱
明年戊午蘇君來宰是邑復經己未庚申連年
荒歉民益貧兵益困岌岌乎幾不可支幸為之

宰者實心實政既恤民艱兼籌兵食請借請賑
救急拯危招撫流亡多方接濟而且積粟建倉
興學養士釐奸剔弊鋤莠育良閱三年而政成
又閱三年而頌聲作於是簿書之暇問俗彌懇
採風愈切而縣志觀成矣夫以荒涼之宇置新
闢之區文獻無徵薦紳寥落一讀斯志而考歲
時伏臘稽禮俗貞淫推戶口之盛衰權國賦之
盈縮舉凡冠婚喪祭之儉奢好尚忠孝節義之
闡幽發微以迄山川名勝城市壇祠武庫倉廩
沿革損益一一如繪圖而出灼若觀星以資政
府之取攜而典則不遠以勸

國家之文獻足徵是書也可謂約而該簡而備矣
余武夫也不知文惟日親蘇君之治行復獲讀
蘇君之縣志洵所謂以經術飭吏道者歟今而
後太史陳風懷邑雖草昧肇開者乎而文物典
章已燦然有聞于世是役也以宰天下也可謹
序

昔乾隆十有二年歲在丁卯初秋之吉

原敘

懷治昔之邊衛也時簡閱峙芻糧積習然矣一
旦易戎馬而簿書之山川土田何以使釐然而
不舛物序人風何以使臚列而不紊疆界封域
桑麻學校何以使燎如指掌明若觀星是懷之
志視他邑為倍急也惟是經始之際文獻闕如
間有舊跡軼事亦復前無所徵後無所考官斯
土者而欲條分縷析志今傳後不又戛戛乎難
哉邑侯蘇公以嶺右名進士宰茲新設之區念

土地之瘠磽撫人民之凋敝欲移易夫奮武之俗薰陶於揆文之化撫卹經畫休養生息者若而年櫛風沐雨型方訓俗者而年若未幾而治化成未幾而頌聲作爰出數年間之臨民出政目擊身親者筆之於書而縣志觀厥成焉讀其書圖譜之周詳也疆城之燦列也山川名勝之碁布風俗氣候之按節也其候之撫恤經畫者乎賦稅之釐定也徵收之便簡也樹藝種植之時宜物產市易之區別也其候之休養生息者乎祀事城堡之建置人物選舉之詳悉也其候之櫛風沐雨型方訓俗者乎然則侯之所以為志即侯之所以為治者乎侯之所以為治即侯之所以為學者乎循是治也以往而飲食之而教誨之而漸摩而仁壽之士譽髦而民徧德將鄒魯弦歌岐陽鐘鼓何多讓焉愚故不以懷之有志為懷喜而以懷之得侯為懷喜也亦不以制度文章為一時之懷喜而以人心風俗為千百世之懷喜也愚籍郿塢去懷治雖千有餘里

而耳食其德政者久之歲在丁卯仲兄元臣司
訓是邑於置郵間又得讀侯之志益悉其學術
治畧非近世補苴所可擬也爰不揣固陋而為
之言非敢云序也

乾隆丁卯仲秋上浣穀旦

賜同進士出身前翰林院庶吉劄縣張元龍子飛氏
頓首拜撰

原敘

志者記事之書抑亦政治之本也先王之政紀
其山川辨其疆域程其土宜稽其俗尚肆其物
采而後宜因宜革宜興宜除隨其時而通變之
順其俗而化導之以救其失以防其漸以養以
恬措則正施則行自臻上理焉懷遠新設郡縣
向無舊志前為營衛雖有延綏鎮志又以僻處
而不詳戊午春炤視事於斯詢其山川疆域則
闕梁形勝無足徵問其土俗民情則美惡剛柔

無可辨稽其土田稅賦攷其土習文風則沿革
盈縮無所憑興廢污隆無所據縱有體國經野
振作董率之心惟有束手無措耳說者謂邊郵
為用武之地僅可刑威著績而難以詩書禮樂
之治治之也庸詎知我

國家聲教四訖無遠弗届一道同風之化豈以邊
徼而或異况既改營衛之戎馬而設縣尹之棊
堂則

盛世之規模已為之頓易民間之耳目亦為之一新

涖茲土者正宜乘時潤色以宣上德以達下情
多方生聚教訓以期躋於醇龐又胡可以武健
逞也不獲已而訪鄉曲之逸事採耆老之遺聞
併以耳目之所及者隨時隨事敬謹筆之於帙
置之案頭原以為一身出政臨民準則豈敢云
作志哉幸比年以來山川疆域之遠邇險易盡
然矣土俗民情漸知從忠草薄矣土田稅賦由
荒而闢自逋而清矣士習文風胥知崇實去浮
勵廉隅而尚絃誦矣採風問俗者每以縣志未

修少之以炤空踈無據又以一行作吏筆墨荒
踈豈敢云作志哉爰述數年中採訪所獲編纂
成篇以俟高明之潤色云爾

省

乾隆十二年歲在丁卯仲秋中浣之吉知縣蘇
其炤書於懷陽官署之無逸堂

懷遠縣志原例

一懷邑僻處沙漠文獻無徵是編止就目前聞
見之關於吏治民風者載之間有採諸延鎮
志者亦不嫌於襲新志載輯一仍其舊有
採自省志郡志者悉於本門增之

一凡志以傳信而不傳疑名宦無實行可據者
不書人物湮沒無確傳者不書現存者輿論
未定不書新志名宦人物續有增入者皆
採自明史通志郡志用補舊編所未備

一凡志書法有直記其事不參論說者有中間
逐節直敘或首或尾另加評論者有逐節直
敘間有一二條加以評論者是編獨每項輯
成一篇而以議論行於記敘之中非好異而
變例也總期卷帙不繁使覽者言之瞭然耳
新志凡今昔異制有應續纂者各於每篇
內增入不敢變舊例也

一是編首先天文者以天險之不可升也歲時
為天運之迭更氣候為天道之變遷故次之
天有分星則地有分野故次地理城堡所以
守疆圉建置為國事所關建置既定治民人
者先其神故又次之是為第一卷由是而賦
役而徵收而稅課急公以盡終是之義催科
亦可寓撫字之仁又次之民先本務後逐末
故次種植又次物產市集既富方穀而風俗
之原鍾於名勝又次之是為第二卷官以長
民師以睦俗人物於是乎出而選舉為鼓舞
人村之典故次之爰記其事則安危興廢有

所考兵以衛民也郵以傳命也至邊外蒙古
又為內地民人耕種牛犊之所均不可廢故
又次之是為第三卷凡二十四篇按舊志
山川附於地理今續有採入故別為一門封
圻為守土者所宜周知故增以疆域祠祀以
事神寺觀寶靈爽所憑故附於其下井里為
保息所關治民尤不可畧故以鄉村次於祠
祀歷任官師悉已按牘纂入其前明軍官及
國朝差員無案可稽而碑碣鼎鐘有著其職名者
俱以之補載名宦封錫恩蔭闡揚攸繫故於
選舉後增之原卷凡三篇凡二十四新志編
帙較多故分為四卷凡三十篇

懷遠縣志目錄

粵西鬱林蘇其炤燮堂氏撰次
浙江山陰何炳勳保如氏重編

卷之一

圖譜

天文

歲時

氣候

地理

山川

疆域

城堡附邊

建置

祠祀

附寺

鄉村

附橋

卷之二

賦役

徵收

稅課

種植

物產

市集

名勝

風俗

卷之三

官師

卷之四

人物

選舉

名宦

封錫

恩蔭

紀事

兵制

郵驛

邊外

蒙古


懷遠縣志卷之一

圖譜


古書推步占驗皆以井鬼二宿為秦地分野懷之於秦不過百中之一而亦以二宿圖之其說似近於衍然不敢因其衍遂廢天文不志也但姑存之以備攷証若夫封邑之疆界里甲之坐落建置之沿革中外之形勝則顯而易見者詳其說僅得之懸擬披圖而稽瞭若觀星此又體國經野之所不可缺焉

按分星箕尾及山原水道邊口伙盤尤為觀政者之所資不可以不志也故增繪之






東井圖



輿鬼圖



尾箕圖




懷遠縣全圖




縣城 週圍二里一十七步

城門 東曰懷遠 郭門曰永安
南曰柔遠 北曰振遠



響水堡




城門東曰嶽峙
南曰望斗
西曰淵停
小西門

城週圍三里三百一
十步西至縣城一百
里




波羅堡



城門東曰疑紫
南曰車光
大門曰鳳翥
小西門曰通順

城週圍二里二百七十
步西至縣城五十里


清平堡



城門 東曰延禧
南曰清平
北曰綏侏

城週圍二里二百八十
四步東至縣城九十里

威武堡



廟王龍

廟帝關

城門 東曰震福
南曰威武
北曰鎮朔

城週圍二里二百八十
步東至縣城四十里

懷遠縣

黑龍江

芹河

沙河 硬地梁河

無定河源

榆林界

水園

黑河汛

瓦寨溝汛

芦溝汛

榆水兒汛

劉家坨汛

石廟溝汛

西十里汛

烏龍口

清平堡

秋青原

威武堡

響鈴塔

龍鳳山

縣城

東十里汛

斬賊關汛

大川口汛

波羅堡

高家溝汛

濫泥灣汛

廟兒灣汛

盤龍寺

華家梁

清河

侯家塚

秋青河

牛心山

香炉山

米脂縣境至三里城

李家坪

烏龍洞

柴家河

小理河

小豆灣

柳家橋

五龍山

响水堡

响水橋

大理河

橫山

白狼城

頭山灣

火石山

箭杆梁

城兒梁

孫家灣

大墩梁

麒麟溝

州寧

黑木頭川

柿子河

地水灣

武家坡

冷家廟

石人坪

大墩梁

麒麟溝

州寧

山龍九


周家湖

德綏

張家寨

米邑

懷遠縣



野人溝

無定河
西來

無定河流

沙河

芹河

黑旗河

海子溝

北塔溝

石空川

野人溝



清平堡

柳泉苑

清水河

秋清河



武威堡

蚰蜒嘴河

苦水溝



懷遠堡

大川源

小河

馬英溝

黑木頭川



波羅堡

黑木頭河

柿子河



蟠龍寺




响水堡

大理河

小理河

懷遠五堡邊口圖



西通甘肅軍夏

東通榆神府至山西歸化城

禁牌

禁牌

禁牌

禁牌

禁牌

靖寧條梁

靖邊石渡口

懷遠交界毛胡素沙

黑河威武口

北洞溝光威武口

紅墩兒湖威武口

席李灘威武口

張家畔懷遠口

苦地井懷遠口

紅石橋兜波羅口

扯水灘波羅口

大灘波羅口

小灘兜响水口

長海子灘離榆林界四十里

靖縣鎮

懷遠李卸家坪

孫家往南瓦室舖走石灣安定延安




劉家城




懷遠堡口外

牛棋伙盤圖




波羅堡口外

牛棋伏盤圖






牛 棋 伙 盤 圖






威武堡口外

牛旗伙盤圖



清平堡口外牛犊伙盤圖



國史圖

